

E Lied geht um die Welt

„Stille Nacht, Heilige Nacht“ feiert 200. Geburtstag

1816 hat Joseph Mohr in Mariapfarr im Lungau de Text vun "Stille Nacht!" in Form vun eem Gedicht verfasst. 1818 hat Franz Xaver Gruber vor Weihnachte die Melodie derzu im Schulhaus vun Arnsdorf (Gemeinde Lamprechtshausen) komponiert. "Stille Nacht, Heilige Nacht" hat im gleiche Jahr am Weihnachtsowet in der St. Nikolaus Kerch in Oberndorf bei Salzburg sei Welturaufführung dorch Franz Xaver Gruber un Joseph Mohr erlebt. Es war am 24. Dezember, als der domolich Hilfspriester Joseph Mohr dem domolich Schullehrer in Arnsdorf, Franz Gruber, e Gedicht iwerreicht un ne gebitt hat, e Melodie derzu zu komponiere. Am gleiche Tach war die Komposition fertich. Em Vetter Mohr hat se gut gfall un des Lied is in der Mettenacht gsung gin. Mohr hat Tenor gsung un mit der Gitarr begleitet un Gruber hat Bass gsung, es Lied is aarich gut bei der Bevelkerung ankumm. Mer weess heitzutach awer nit, was die zwaa derzu veranlasst hat, des „Stille Nacht“ zu schreibe un zu komponiere. Es git awer vermut, dass die Orgel in der Kerch kaputt war un dass es deswejer zu eem Lied mit Gitarrenbegleitung kumm is.

Es sin Teen un Werter, die Troscht verspreche, die Herze beriehe un Hoffnung verspreche. Es is e Lied, dem sei Zauber seit 200 Jahr um die Welt geht. Iwer Johrhunnerti hinwech hat „Stille Nacht“ Grenze un Krise iwerwunn, es verbind Mensche unabhängig vun Herkunft, Alter oder Religion. Schun phaar Jahr später hat des Lied sei Reise vun Österreich aus in die ganzi Welt naus angetret. Mittlerweil werds in mehr als 300 Sproche un Dialekte gsung. Seit 2011 is des Lied Kulturerbe der UNESCO.

For uns Schwoweleit is „Stille Nacht“ e Stickl vertrauti Heimat. Es is nit nor in de Kerche zu Weihnachte gsung gin. Ach derhem, newer em Christbaam is es erklung. Un noh de Mette hans die Bläser vum Kercheturm aus in die Derfer ningschmettert un dermit die Kerchegänger bis hem begleitet.

Weihnachtswunsch

Drauß leichte Sterne der heilich Nacht,
drin glänzt de Christbaam in seiner Pracht.
Es Weihnachtsbradl kummt ausm Owe ganz frisch,
werd gstellt dann uf de Feschttachstisch.
Die Kinner packe ihre Gschenker aus,
ich wünsch eich all e Fescht in Saus un Braus!